

W. K. 8°

440



97

V  
4



979  
JÓZEF PÁTA

BOŽENA  
NĚMCOWA

1820—1862



BUDYŠYN 1932

ŠIŠĆ SMOLEŔEC KNIGŁYŠIŠĆERŔE A KNIGŁARŔE

W. K.

440



SLUB

Wir führen Wissen.

<http://digital.slub-dresden.de/id481046518/3>



Serbski Institut  
Sorbisches Institut







16/11/1874 Prof. Dr. W. W. Wagner

Jon. Platz



Prof. Dr. Wagner  
(1874-1875)





Božena Němcová  
(1820—1862)



JÓZEF PÁTA

BOŽENA NĚMCOWA

1820—1862



W. K. 8<sup>o</sup> 440

BUDYŠYN 1932

ŠIŠĆ SMOLÉREC KNIGLYŠIŠĆERŇE A KNIGLARŇE



WÓSEBNY WÓTŠIŠĆ Z „DOM A SWĚT“ XXII.





„Nejwosebnějša ceska spisowašelka Božena Němcowa jo pó dlějšej chórosći 21. januara (1862) w Praze humrěla.“

Tak pisašo budyšynski „Łužičan“ III. l. 1862 na str. 28, pódawajucy lužyskim Serbam tužnu powěsć wó směrši wělikeje ceskeje spisowašelki a pši tom teke powěsć wó jeje žyweńu a literarnem žěle.

Łužičan pokazowašo na ředne powědańcka Boženy Němcoweje z ceskego ludowego žyweńa, na jeje ludowe basnicki a wósebne na roman „Babička“ (Stara mama) — „jeje nejsławnějše žělo, pólna poezije a cysće narodneho žyweńa, kótarež změjo trajucu wažnosć w ceskej literatuře . . . “

W samskem lětniku Łužičana 1862 na str. 120—122 bu wótsišćany pšeložk basnicki „Wó řednej pširodnej žowce“ ze zběrkow Boženy Němcoweje, we IV. lětniku Łužičana 1863 jo hujšla basnicka „Něbjaski wósc a swěty Pětš“ a tak dalej huchadachu někotare pokazki z literarnego žěla Boženy Němcoweje, wšykne w górnoserbskej rěcy. We wósebnych kniglickach jo hujšeł górnoserbski pšeložk Stareje mamy: Naša wowka w Budyšyne 1883 wót Filipa Řezaka, kótaryž jo we swójom



pśeložku někotare ceske naložki ze serbskimi zaměnił.

Górnoserbska „Naša wowka“ jo se wšyknym cytařam wělgin spódobala. Jurij Libš, znaty serbski spisowašel, pśijašel pěsnika Jakuba Čišinskego a profesora Arnošta Muki, powita tegdom we „Łužicy“ II. 1883, str. 90, Rězakowy pśeložk z wělikeju radosću kaž žělo — „kótarež nam cele žyweńe, wósebne pak rědne a glucne casy žiśestwa z wělikeju wěrnosću a wělikim znašim hopisujo...“

Skóro pó tom wótšišća Jurij Kral, tegdom pražski student, žinsa deře znaty serbski słownikař, we „Łužicy“ III. 1884, str. 38 a d. lubosne hulicowańe „Kněz hucabnik“. Dejeto wótšišća dr. Mikławš Krječmař powědańcko Rozarka (Hobspomněse nadobneje duše) w pratyji Krajan 1925.

W Dolnej Łužicy su se nejwětšemu zajimu wjaselili kniglicki słowaksk. spisowašelki Kristiny Royoweje. Ale po pšewroše přědna dolnoserbska pěsnařka Mina Witkoje jo se spóznała z literarnym žělom Boženy Němcoweje a jo se hutšobńe do nogo zalubowała. We swójom Casniku jo zachopiła wótšišćowaš swóje pśeložki z Boženy Němcoweje: W lětniku 1930 powědańcko Baruška, „wěrne tšojeńe ze stareje pšěze“ — Caršik, gnujuce hulicowańe Sotši, w l. 1930—31 Žiwa Bara, w l. 1931 rědnu slowaksku ludowu powěsć „Wó dwanasćich mjasecach“ a gano w l. 1931—32 „W grože a pód grodom“.



Pši zachopěńku swójich pšeložkow jo napisała Mina Witkoje w Serbskem Casniku 1930, str. 45: „Hulicowańa (Boženy Němcoweje) su wšykne wětšy žěl z burskego žyweńa pisane a budu se wěsće kuždemu tak deře spódobaš ako powědańcka Kristiny Royoweje“.

Mina Witkoje mějašo pšaće. Powědańcka Boženy Němcoweje w jeje pšeložkach se z wělikim zajimom w Dolnej Łužicy cytaju. Togodla běchu južo tši do wósebnych kniglickow stajone a hujžechu wšykne w knigłowni Dom a swět: Baruška (1930), Žiwa Bara (1931) a něto teke Wgrože a pód grodom (1932).

\*

Pšašamy se, cogodla se hulicowańa Boženy Němcoweje wšyknym cytařam tak spódobaju?

Na to jo nam deře wótgronił Jurij Libš južo we hobspomńetej recenziji Rězakowego pšeložka Stareje mamy w l. 1883 ze słowami:

„Gódnosć žěla Boženy Němcoweje we tom lažy, až wóna jo swóje powědańcka pó swójich samskich nazgońěnach a pódejžěnach zestajila.“

Móžomy žinsa k tomu psistajiš, až jo B. Němcowa swóje nazgońěna a pódejžěna rozměla humělski hulicowaš.

A kake běchu žyweńske pódejžěna ceskeje spiso-  
wašelki, južo dawno po wšom, wósebne słowjańskem  
swěše a teke we Łužicy, deře znateje a psipoznateje?



Božena Němcowa jo měla wósebny zajim za wejsańske žyweńe, za wejsańskich luži, jich nałogi, jich zmysleńe a jadnańe, jich socialne póložeńe. To jo se stało togodla, dokulaž jo wóna wót małkego z wejsańskim ludom hobchadała. Wóna jo se dře w awstrijskem Winu (4. februara 1820) narožila, zož jeje stařejšej Panklojc běštej we službach kněni Zagańskeje, ale nedłujko pó naroženju jo pšišla do Ratiborice pla Ceskeje Skalice, zož jo kněni swójo lětne bydleńe měla.

Maš B. Němcoweje (Nowotna) běšo z ceskeje wsy, nan Pankl běšo awstrijski Nimc. Dokulaž běšo wón z domu pšec a maš jo měla wele žěla w grože, dežašo se wo mału Barunku (Boženu) jeje stara mama staraš.

A stara mama Barunki Panklojc běšo dobra, po-božna žona, kótaraž jo swój ceski narod welgin lubowala a kótaraž jo žiši wjadla k spšawnemu, kśesćijańskemu a narodnemu žyweńju. W grože jo se tegdom jano nimski powědało a teke stařejšej Barunki mjaz sobu se jano nimski rozgrańaštej. To jo měło wliw na Barunku, kótaraž jo byla welgin rědna a kótarejž jo se mjaz nimskimi kněžymi welgin spódobalo....

Do šule jo Barunka chójžila we Skalicy a we Chwalkowicach. Jo deře huknuła, stawńe jo knigły cytała a skóro jo zachopiła sama teke pšesne a huli-cowańa pisaš w — nimskej rěcy... Dokulaž běšo welgin rědna, pši tom chuda, bójašo se jeje maš wó



jeje cesć a togodla jo ju južo w jeje sedymnasćich lětach w l. 1837 hudala za financowego respicienta Jozefa Němca, wo pěsnasćo lět staršego.

\*

Běšo to wěluka négluka za Barunku Panklojc. Wóna jo se hudala bžez lubosći, jano aby tej swójej mamy po wóli byla. Mjaz něju a jeje cłowekom běšo wěliki rozdžěl nic jano w lětach, ale teke w natúre. Jozef Němec běšo tšochu gruby, nehobstawny, pla swójeje hušyny nelubowany, howacej dobry Cech. Cesto jo dejal swójo město pšeměnowaš, někotary raz jo teke bžez žěla byl.

Božena Němcowa jo z nim wěle hušerpeš dejala. Jo dejala z nim cesto hobydleńa a města pšeměnowaš: Cerweny Kostelec, Josefow, Litomyšl a Polna su byli předne města, žož jo B. Němcowa bydliła a žož jo južo spóznała, co žyweńe jo: jo měla sama južo tři žiši (Ignac, Karlo, Dora) a w Praze, do kótarejež jo w l. 1842 pšišla, jo se jej syn Jaroslaw narožil.

W Polnej jo Božena Němcowa dostała do rukow kniglicki ceskego romantiskego spisowašela Jozefa Kajetana Tyla, kótaryž wó ceskem ludu a jogo pšichože pód nimskim kněstwom wělgin tužne pisašo.

Tegdy jo se Božena Němcowa spomněła na słowa swójeje stareje mamy, na jeje lubosć k ceskej rěcy a ceskej zemi, kak jo wóna cesto groniła: „Lube žiši! Swój k swójomu! Lubujšo cesku zemju ako swóju maš, žělajšo za nju ako dobre žiši, a wóna nikula nězajžo!“



A tegdom jo se Božena Němcowa z nimskeje spisowašelki do ceskeje pšehobrošila, tak ako něga jo se z Matom Kósykom stało po pšecytańu sławnych Šafaříkowych knigłow wó slowjańskich rěcach a literaturach.

Taku móc maju w dobrych hutšobach kužde dobre knigły.

\*

Božena Němcowa jo ned tegdom deře zapšimnuła, kaku gódnosć ma mašérne słowo, kak móžo maš se staraš wó narodne hukublańe swóжих žiši a jo napsała swójo předne ceske literarne žělo — basńu *Žonam českim* (1843):

„Žony ceske! Mašére ceske! — —  
Za gluku swójeje drogeje domowné  
wšykne swóje mócy hoprujmy!“

Tak jo wólała mloda spisowašelka a póžedała wót ceskich žonow a mašérow, aby wóni kaž muže teke někaki hopor na hołtař domowné póložyli.

„Žiše, słodke mě, žońe z nébja dany dar —  
Mašére, nejdružše, což mamy,  
žiše! dajmy domowni na hołtař!  
Žony ceske, mašére ceske!  
Jadnučka nam buži radosć:  
naše žiši za tu našu drogu  
domownú hukublaš!“

\*



W Praze jo se Božena Němcowa skóro spóznała ze wšyknymi ceskimi spisowašelami a jo spóznała teke druge słowjańske ludy. W jeje dušy běšo wélike płońe ceskego a słowjańskego cuša. Wéle jo cytała a swóje nazgońeńa mjaz wejsańskim ludom jo kšěła teke w kniglickach hulicowaš.

Nejperwěj jo zapisowała narodne basnicki, pótom jo póspytowała teke samske originalne hulicowańa pisaš. Jeje šerpeńe jo jej dało dłymoke zrozmeše za cłowesku nuzu a cłoweske šerpeńa, dłymoke sobucuse a lubosć k wšyknym pónižonym, šim wěcej, dokulaž jo wóna sama chóra byla a jo dejala stawne z nuzu wójowaš: z Pragi jo lěta 1845 ze swójim cłowekom do Domažlic pšišla, pótom do nimskich Wšerub, do Nymburka, Liberca . . . , stawne drogowańe, něměr, nedostatki, nuza, šerpeńe. A gaž jeje cłowek bu do dalokeje Hungańskeje (Słowakskeje) pšesajžony, jo sama wótjěła ze swójimi žišimi do Pragi, zož jo ju hutšoba šěgnuła a zož jo wóna swójim žišom lěpše hukublańe daš mogła.

W Praze jo pilně študowała a pisała, weto pak jo měła wéliku nuzu: jo dejala se sama ze swójim literarnym žělom žywiš a casy teke hyšći swójomu cłowekoju pomagaš.

Hulicowańa Boženy Němcoweje zbužowachu wélike glědańe wšykných ceskich a słowjańskich cytařow a pšínasechu Božeńe Němcowej wéliku cesć, pši tom pak bóžko — mało peńez . . .



Čłowek Boženy Němcoweje nějo rad wizeł, až jogo manželska tak na zjawnosć hustupijo, až wólne z młodymi mužskimi (spisowašelami) hobchada, cesto jej humjatowašo, a cesćona spisowašelka pši tom běšo młogi raz głodna. Jano spisowašelska žělabnosć běšo jej hochłóžeńe. W něj jo namakała swóju gluku.

Tak jo nazběrała ludowe basnicki a powěsći, kótarež su hujšli w Praze w lěše 1845—47 (7 zwězkow), pózdzej teke słowakske basnicki a powěsći (1857—58). Z dobrym psigotowanim na jeje realistiske hulicowańa běchu narodopisne študije, hopisowańe krajinow a drogowańow. Božena Němcowa jo wele drogowała a jo teke wele luži spóznała.

Tak jo mogła zachopiš pisaš swóje powědańcka ze žyweńa wejsańskego ludu, wósebne deře jo huměla hulicowaš žeńske charaktery. Su to jeje ředne žěla, hušej hospomńete a teke w Serbach znate: *Baruška* (1853), *Sotši*, *Rozarka* (hobej 1855), *Žiwa Bara* (1856) a druge, a nejsławńejše žělo, klasiske hulicowańe *Stara mama* (1855), hulicujuce nejglucńejše žišestwo Boženy Němcoweje, žělo, napisane w nejžalosńejšem casu jeje žyweńa.

\*

We wšyknych swóжих žělach pódawa Božena Němcowa čłowecne tšojeńa wěrne a pšawe, z humělskim idealizmom, z procowanim wo polěpšowańe čłowecnego ducha, čłowecneje duše. Spisowašelka jo deře wězela, až swět jo pólny nuze a bědy, weto pak



jo kšúše wěriła do nińernej lubosći a dobroty, na kótarymaž se cele žyweńe zakłada. Čłowek móžo teke tegdom glucny byś, gaž sam — daši pónižony — jo žywy za gluku drugih.

Božena Němcowa bu ze swójimi powědańckami za-  
ložařka ceskego wejsańskego powědańcka husokeje  
gódnosći, z noweju demokratiskeju filozofiju wó row-  
nosći a rownopšawosći wšyknych luži, bžez social-  
nych rozdžělow, tak až to sebe póžeda žinsajšy cas.  
Swóje mysli wó tom jo stajiła do powědańckow P ó d-  
g o r s k a w j a s (1856), C h u d e l u ž e (1861), W e  
g r o ž e a p ó d g r o d o m (1862) a drugih, w kóta-  
rychž jo kšěła pokazaš na rozdžěl mjaz ludowym a  
kněskim stawom a w kótarychž jo deře huńeła zwě-  
zaš charakteristiku ludu ze socialnymi reformami.

Božena Němcowa jo teke k přědnemu razu poka-  
zowała na nuznosć lěpšego hukublańa žeńskich. Wó-  
na běšo přědna wójowařka za žeńske pšawa.

Cela jeje žělabnosć jo jej pšinasła nic jano pšija-  
šelstwo młogich cytařow, ale teke wěle winikojstwa  
mjazy konservativnymi lužimi tegdejšego casa. Bo-  
žena Němcowa jo se něga tomu smjała, jo hopisała  
na pšikład hobgrańařske złosne žeńske w žiwadłow-  
nem hobrazku „K o f e j o w e t o w a r i š t w o“, ale  
z wětšego jo šěžko nasła swójo pónižone póložěne.  
Stawny nedostatk jo zgóršował jeje chórosć a chórosć  
zasej nějo pšiwdała wěcej pisaš. K směrši chóra jo  
wótjěła nazymu 1861 do Litomyšla, zož jo kšěła se  
pla znatego kniglyšišćařa Augusty ako korektorka



zežywiš a pši tom jo kšěla tam teke swóje zgroma-  
žone spisy hudawaš.

Ale jo huglědała jano přědny zwězk swójich spi-  
sow. Město Litomyšl jo na hobspomněse tužnego pše-  
bywaňa Boženy Němcoweje hugotowało w lěse 1932  
(junij—august) hustajeńcu jeje žěla a žyweňa, a na  
wjažy, w kótarejž jo bydlila, jo dało zasajziš hob-  
spomněńsku delku.

Jozef Němec jo dejał pó swóju manželsku psijěš  
a 21. januara lěta 1862 jo Božena Němcowa w Praze  
pšed casom — jano 42 lět stara na zachopěńku swó-  
jogo humelskego žěla — humřeła.

Jeje zakopowaňe mějašo kralojski raz: cely narod  
pšewożowašo na kjarchob něglucnu žonu, wěliku spi-  
sowašelku, kótarejež žyweňe jo było kaž wěliki  
roman.

Za kašćom su šli teke słowjańske bratši, wěšće  
teke serbske młoženicy, w Praze študujuce, Bulgarě a  
Chórwaty w narodnej drastwe.

A tužna powěsć wó směrši autorki Stareje mamy  
lešešo do celego ceskego a słowjańskego swěta, teke  
do Serbow.

\*

Humřeła jo Božena Němcowa, jeje šělo měrne  
wótpocywa na starem wyšegrodskem kjarchobe, ale  
jeje duch, jeje hutšoba jo dale mjazy nami žywa. Jo  
žywa w tych rědnych hulicowaňach, kótarež nam do  
dolnoserbškeje rěcy rědne a pšawě pšeložuju spisowa-  
šelka Mina Witkojc.



Snaž toś ta dolnoserbska pėsnařka  
nam raz teke napišo sama swóje powe-  
dańcka z wejsańskego žyweńa dolno-  
serbskego ludu!

---

Pśispomněše: Nejlěpše knigły wo Božeńe  
Němcowej napisaštej profesora W. Tille: Božena  
Němcová, Praga, 3. hudawk 1920, a Zd. Nejedlý:  
Božena Němcová, Praga 1927. — Cełkownu charakte-  
ristiku jeje žyweńa a žěla we zwisku z celežu česko-  
słowakskeju literaturu jo pódał prof. A. Novák:  
Přehledné dějiny lit. čes., Olomuc, 3. hud. 1922. —  
Zgromažone spisy B. N. (Dílo B. N.) I—XIV. w nej-  
pólnejšem hudawku jo zředował dr. M. Novotný,  
Praga 1928—1930.



Faint, illegible text, likely bleed-through from the reverse side of the page.















1

2







